

T 3160 / 1132.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 10 1938

正
字
縣
志

卷十二二十三

| | | | | |
|-----|----|----|----|----|
| 第五冊 | 列女 | 方技 | 仙釋 | 祥骨 |
| | 文學 | 流寓 | 選舉 | 軼事 |

5

正寧縣志卷之十一

獻徵志

陽曲折遇蘭佩湘氏撰

列女

余讀栢舟之詩慨然嘆曰宇宙貞烈之氣胡不鍾於男而鍾於女耶當其慷慨盟心從容就義非必有保姆之嚴詩書之訓也而一醮不改之死靡他凜凜乎若有不可犯者巾幗而鬢眉豈不巍然奇男子哉彼偉然七尺而自委於弱草輕塵者間截耳斷鼻之風亦可少愧矣

佛大
學漢和
圖書館
珍藏印

明

劉王氏 生員劉朝宗妻賦性端恪克嫻婦道夫卒家貧如洗氏勵節撫孤二子俱各成立嘉靖間旌表

路袁氏 路拱樞妻夫亡苦節自甘終身矢志不二建坊旌表

鞏禘氏 贈官鞏國禎妻夫亡長子煇方二歲次子煇甫三月氏年二十二誓以死殉妯娌咸慰勸以撫孤氏遂艱苦育子晝夜紡績後煇成進士煇補

弟子員六十餘歲卒賜坊旌表

路何氏 生員路之逢妻夫死不食屢欲自經家人防護甚嚴氏治食奠夫畢乘間投繯死

趙董氏 生員趙一鳳妻夫死拜辭舅姑投崖以殉聞者哀之有司親奠爲造墳建坊

鞏何氏 儒童鞏聖都妻夫亡誓以身殉服毒而殞時年二十餘府縣表其門

焦郭氏 焦思妻夫亡苦節終身沒齒無間鄉黨賢之

鞏李氏 生員鞏珍妻年二十二夫亡無出守節終身

石鞏氏 石應第妻夫亡矢志守節白首不渝以壽卒

王姚氏 生員王鴻典妻夫卒氏甘貧訓子矢志靡他仲子暉如舉於鄉

趙張氏 叅議趙邦清妻夫沒於王事期以身殉以一子尚幼矢志保孤布衣蔬食三十餘年以壽終夫死難妻撫孤忠節聚於一門矣

趙徐氏 生員趙舉賢妻少寡無子守節數十年艱苦備嘗無怨言

趙袁氏 廩生趙任賢妻夫亡堅持栢操至老不悔
楊吳氏 楊日進妻十九歲寡家貧無子飲水茹蘗苦節數十年

王何氏 生員王用奇妻夫亡甘守清貧義方訓子克紹家聲歷數十年如一日

國朝

王路氏 原任湖廣黃陂縣丞王訪奇繼妻生一子

夫致仕歸未幾病卒子方五歲氏力勤機杼撫幼
成立延師訓讀尤嚴於家教有熊丸風乾隆十一
年

旌表

鞏馮氏 歲貢鞏爾星妻夫亡撫孤植節食貧終身
宗黨咸義之合詞請

旌乾隆八年建坊表其門

鞏路氏姚氏 路鞏灼妻二十而寡姚路之婦也路
守貞初昆仲欲奪其節懼不免挾幼子依母氏獲

全後婦姚氏亦孀居三十年撫二孤長曰裔昌有
孝行姚歿裔昌踰六旬猶捫其乳哭如嬰兒世
謂兩世苦節宜得孝子云

徐王氏 廩生徐大椿妻年十八夫亡氏即鍵戶自
經家人急救門固不能入死面色如生

郭路氏 生員郭壯猷妻年二十歲夫卒既葬誓不
獨生投崖死

李郭氏 李丕建妻夫亡慟絕家人救之復甦自後
更不涕泣扶柩出葬投崖死

姚王氏 生員姚叔斗妻年十九歲夫亡以禮殯畢長慟數聲觸棺而死

范趙氏 范錫鼎妻夫亡年二十慟哭成殮曰生不借老死得同穴足矣遂投井死

楊姬氏 楊日章妻少寡持節撫孤叔迫之嫁姬力拒不克剪髮刺面乃止歷四十餘年以壽終邑令俞旌其門曰志同化石

張李氏 張惟官妻早寡持志撫孤踰五十載初孤立無所助諸宗屬幸欲奪其志李以死拒之獲金

婦劉氏路氏亦早歲孀居至老無間有乃姑風今張氏子孫蕃衍耕讀不輟皆李一線所延也

趙楊氏 趙述嚴妻年二十五而孀居家貧甚伯兄欲奪其志指天以誓堅志撫孤身親稼穡略無倦容宗族間里凜若冰霜

鞏姚氏 生員鞏暉妻二十五寡一子一女方在襁抱家貧無依姚誓志撫孤艱辛備歷今六十七歲趙鞏氏 趙成文妻二十四歲寡無子翁姑欲嫁之氏誓不改適其後族人利其幼又欲強嫁之氏投

崖得不死鄉黨畏敬焉

姚魏氏 姚成妻夫亡年二十歲親治棺殮既葬卽
闔戶自經

李董氏 李如朝妻夫故遺子甫五月時有勸其再
醮者氏正色曰未亡人苟延殘喘以孤子在抱欲
其成立耳幸勿復言乃剪髮自誓邑宰邵表其門
王石氏 童生王丕烈妻少寡撫孤成立雍正九年
學使旌其門

薛郭氏 薛孟仁妻夫亡家徒四壁堅志撫孤育孤
姪如巳子鄉里合詞請旌

聶郭氏 童生聶金玉妻夫死既葬越三日祭墓畢
投崖死邑令朱賦詩以輓

鞏趙氏 生員鞏我貽妻夫亡撫孤成立士民哀其
苦節公請學政旌其門

王彭氏 舉人王昉繼妻生一子前妻遺二子俱幼
氏既寡撫育三子無分彼此邑宰蕭表其門

彭史氏 廩生彭建章妻夫亡遺腹子越四月生氏
撫育成立勤紡績以供薪水子後入泮鄉里稱頌

不衰

鞏范氏 歲貢鞏昉妻生二子俱幼既寡家貧如洗
氏勤針黹糊口卒育子成立次子鞏如玉弱冠遊
泮

王侔氏 童生王福治妻夫亡遺一子甫二歲事舅
姑盡禮婦兼子職苦志終身

楊王氏 楊成妻年二十二而寡周規折矩言笑不
苟宗黨以嚴見憚有敬姜風貢士趙士雋輓曰中
流砥柱

楊姬氏 楊子潭妻少寡家貧躬親稼穡苦節數十
年目見會孫鄉里贈匾曰節成四世

張惠氏 張諫妻二十一歲而寡持節三十餘年如
一日鄉里贈匾曰松筠盟心

樊路氏 樊玉妻年二十三歲而寡撫孤心切艱辛
難以枚舉邑令邵表其門

張路氏 張永妻年十六適家永貧乏不自立爲傭
作以謀朝夕路糟糠自甘情好彌篤永死無子棺
衾無所出時氏年二十六泣血吞嘗從郎地下矣

投崖死族人義而葬之

秦趙氏 童生秦天乙妻年十八寡遺子甫六月誓

不改醮事翁姑克盡婦道里人頌之曰節孝雙全

彭鞏氏 庠生彭建文妻年十八寡時嫂史氏守節

鞏謂之曰吾兩人同撫此孤可乎嫂憐其少諷之

使嫁鞏乃以死誓嫂取同姓子繼之卒以苦節終

趙唐氏 故生趙桂芳妻年十九寡而無子奉姑撫

姪艱苦備嘗

趙李氏 故生趙自毅妻年二十而寡撫嬰兒成立

六十餘歲無他志

雷閻氏 故生雷奮生妻年二十四寡而無子事翁

姑以孝聞苦節終身乾隆十四年學政給匾曰黃

鵠履音

鞏穆氏 鞏克中妻年二十六寡二子在抱勵節撫

孤無異志

鞏袁氏 童生鞏儼妻二十四歲寡無子誓不改適

事翁姑克盡婦道數十年中艱苦自狀

路楊氏 路民安妻二十三而寡無子敬事翁姑誓

不改適今六十餘歲矣

彭高氏 彭義妻夫歿高年二十有六生子彌月孤苦無依氏矢志靡他織紉之暇兼以力作鄉里敬重之

范吉氏 舉人范韓儕妻年二十三歲寡一子甫五歲家貧如洗日檢柴薪夜勤紡績教子成立

范杜氏 范繼正妻年十九而孀子天眷甫三歲氏持苦節撫子成立年七十四卒邑令邵旌之曰苦節完人

范聶氏 范體妻年二十孀居撫半歲孤至投室入泮辛勤備至與其祖姑杜氏一門苦節後先輝映邑人重之

范王氏 范效靈妻年二十一而寡夫歿痛不欲生持刃自刎家人力救未死無一子成立不辭艱苦

范徐氏 生員范蕙妻十九歲夫歿遺一子甫週歲氏堅持苦節雖家貧如洗不改操

范彭氏 廩生范近宸妻年二十孀居一子早殤痛不忍生以祖母及翁姑在強自寬解冰清矢志人

謂之節孝兼至云

于彭氏 生員于賜妻早寡遺子叔琬復孀彭零丁
孤苦以紡績度日不舉火者旬常二三或勸其再
醮則悲聲嗚咽終不改節

姚張氏 生員姚銓妻銓投徒西安病歿時氏年二
十二歲一子甫兩歲家貧甚氏守貞不變撫孤成
立苦節數十年如一日

陳麻氏 童生陳煥輝妻安化翰林麻億孫女年一
十九歲寡遺子甫五月時值饑饉氏負姑攜子竄

食他鄉姑歿延安氏歸骨還葬時有逼之嫁者氏
毀面刺目以誓生員彭柱天高其節送地二十畝
資養年六十八歲卒邑令張表其門曰熊丸羅鯉
邑士民贈匾曰秋月寒潭

王汪氏 王思明妻年二十一而寡家貧日不再食
氏守節撫孤艱辛備至越四十餘年如一日

高文氏 高天投妻年二十三寡矢志栢舟終身不
貳

張雷氏 張學孔妻二十五歲寡遺孤在抱矢志熊

九勤苦萬狀子師翰遊庠

房樊氏 生員房大壯妻二十五歲寡遺孤三歲氏

躬耕守志訓子入泮苦節四十餘年

來楊氏 來賓妻年二十一寡訓孤讀書有能九風

族人近其門輒變色苦節五十餘年無異志

楊王氏 楊光閭母二十三歲寡家貧甚晝事耕耘

夜勤紡績四十餘年苦節人猶道之

何路氏 何政逸妻年二十四寡敬事翁姑教諸姪

子成立家貧如洗里人聞之有出涕者

任羅氏 任增妻年三十無子夫病篤囑氏育子以

承祧及寡如其言伯兄青龍曰養子易守節難氏

剪髮誓志青屢迫之嫁乃曰食言不信背夫不義

遂投崖死

郭仇氏 郭建統妻年二十二歲夫死曾略無難

色

張李氏 張乘妻二十歲夫死族人勸其嫁李氏食

不下咽卒繼姪張文意子家貧勤紡績課子成

立沒之日笑曰吾今可見夫地下矣

高劉氏 高繼宗妻二十三歲寡遺孤四歲氏矢志
守貞苦節四十九年

楊田氏 楊正妻二十五歲寡剪髮誓志撫二孤成
立年八十有四

張喬氏 張玉振妻二十一歲寡矢志撫孤飲水茹
藥五十餘年苦節里人猶指識之

袁史氏 庠生袁大任妻盛年守志艱苦撫孤
斌成立督學王旌其門曰柏操

王郭氏 王思立母二十二歲寡撫孤守志誓不改

張曹氏 張文選妻年甫十八歲而夫逝甘心作未
亡人者數十年殆與松筠比節矣

何肇氏 何濟世妻夫逝時方盛年立志撫孤終身
不貳

唐劉氏 唐國璋妻年二十四寡兩孤在襁誓不
醮其艱難辛苦之狀族人有為之酸鼻者

范趙氏 生員范韓儒妻年二十六而孀撫三幼子
成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

成立家貧如洗苦節數十年

唐秦氏 唐國憲妻年二十五而孀遺兩歲孤家計
蕭然艱辛萬狀撫子外嚴內寬卒成名論者謂有
和丸畫荻之風焉

彭李氏 童生彭建業妻年二十三歲寡撫二孩成
立家貧以女工度日鄉黨難之

趙范氏 趙自亨妻年二十五歲寡栢舟自誓不以
家貧奪其志縣令諸給匾曰苦節完貞

來魏氏 來治民妻盛年守節無異志初翁姑憫其
少命之嫁正色曰婦人從一而終如有異心何面

目見郎於地下翁姑爲之出涕乃止

張李氏 張文質妻年二十歲寡撫兩孤成立勤紡
績爲糊口計苦節逾數十年

趙袁氏 趙允恪妻夫卒年方富盛子幼家貧躬耕
守志無怨言其嚴氣正性族黨咸敬重之

李白氏 李拱妻年二十一而寡遺兩歲孤饑寒交
迫人不能堪氏處之坦如也數十年苦節里人樂
稱道之後其婦樊氏亦早寡有乃姑風

按諺曰貧義夫富節婦善夫素豐之家利其財產

而不忍去非實有栢舟之志也而為之子孫者從而刊述勒珉炫耀閭里在為人子孫者意固善矣而聞者不以為奇受者未免滋愧若夫熒熒子立冰蘖自甘孺子何依青年飲泣在男子猶難之况婦人乎茲所錄大率皆奇貧極苦不假標榜間有不盡然者非確有可錄不敢濫登蓋杜僥倖以慰幽芳直道在人非秉筆者所敢私也

正寧縣志卷之十一

獻徵志

陽曲折過蘭佩湘氏撰

文學

儒者讀書論世幸而置身朝廟文章可以華國經濟足以匡時因而揚眉吐氣激抗青雲回其所矣否則牙籤石室玉璫瓊瑤灑然而風雨驚淵然而本末貫亦足以昭垂不朽利賴無窮小邑不必多有本有用之士而風流與雅自成一家者亦時有人可聽其湮沒不彰與

明

高經 貢生資稟俊秀文章典雅尤工詩古文詞不幸早喪

楊載寧 貢生文章名著三秦其弟載容與之齊名

以上本舊志

鞏如山 貢生有品望鄉賢國柱邦清公皆出其門

路自履 貢生任清澗縣論才學兼優著作甚富

鞏國家 貢生字寧字幼擅文譽讀書目輒數行下

中副車四次工詩賦所著詩集流播關中曾修舊

志

國朝

鞏爾盤 字石公副貢有文譽美丰姿六經子史靡

不究覽尤工詩古文曾修縣志

鞏燿 字少潛拔貢任山東德州判性嗜古每公

退不廢吟哦晚年尤篤於學所著有序說論傳及

詩稿未刻

姚用其 字鍾華貢生有才名尤究心內典合肥許

孫荃奇其才呼為詩友與富八菴鞏子丹齊名有

華嶽唱和詩集膾炙人口

鞏我燕 拔貢性敏好學下帷雲寂寺者廿餘年望
重一時所著有琴南雜組等書

王 甸 字禹服恩貢性恬退喜讀書舉止端凝丰

度高雅每教授生徒時必先正心誠意之學以故
多所成就凡詩古文詞下筆立就人爭傳誦之

鞏我襄 字子丹性豪放喜歌詩縱飲遨遊幾遍海
內所至題咏士大夫多傳寫之與庶常張曾慶太
史李河篤最善因篤嘗謂曰海內可與談風雅者

惟君而已尤精堪輿吳楚間多駢跡焉所著有槐

影堂文集堪輿等書

雷 和 貢生麟遊教諭手不釋卷善屬文尤喜爲

詩寒毡兀坐恬吟密咏未嘗偶倦著有介菴詩集

鞏我造 字子矯舉人幼聰敏讀書數行下尤工詩

其聽簫句有云彩霞深院花開處明月高樓鶴去

時又關山燈下歎羈臣江浦舟中泣嫠婦等句聞

櫓詩云城門朝開路臨水人語煙中近魚市誰搖

飛檣入蒼茫帶夢驚鳧柳邊起云云頗爲一時所

賞

仇 佺 字倌仙與人博洽能文落筆數千言不假

思索著有琴岩詩集

石攻玉 字伯可精於理學文章家貧繩水負薪必

挾冊吟哦所為文半皆得於林巖溪谷之間已未

成進士任蘭州教授於士子多所甄陶大吏薦其

材官未得遷而卒所著有釋賢堂文集四書文詩

經講義四書註解等書皆卓然成一家言

鞏 侃 貢生有學行始習舉子業屢薦不售遂專

意聖賢誠正之學老而益勤家貧妻歿不繼怡如

也臨終水漿不入口者十餘日猶諄諄與人說孝

弟廉恥事

姬翰章 字爾文性穎異三歲失明為兒時即好

讀書聲聞鄰閭在水文氏講河洛之學精於

學焉文奇之口授以性理及所著書若干卷

曉無遺義由是肆力經術通四書學經尤邃於易

嘗語人曰吾克已處較易諸公引差輕耳然

則天以瞽厚我也著有語錄一書散軼無所存

趙益童字舉六拔貢辛度端凝學問淵雅少習舉
子業屢薦不售乃肆力古學家貧館於溇所爲詩
古文辭多出其間每脫稿士爭傳誦之著有四書
文稿頗不苟爲炳炳烺烺

鞏帝疆字慎封拔貢生有夙慧讀書過目成誦少
時人號曰神童既長材益淹貫所爲文鏤空繪影
脫盡時蹊古文詩賦諸體無不工著有南中記雲
寂山房詩集癸未知縣折遇蘭廷入羅川書院
按羅川一隅險隘而文人輩出爲北地之最天地

靈秀之氣固不擇地而鍾與余設羅川書院每於
肄業諸生中留心別白其文雖皆未達於大醇而
相其筆端往往有食牛之氣他日黼黻

文明和其聲以鳴

國家之盛方信余言之不謬矣

正寧縣志卷之十一

獻徵志

陽曲折遇蘭佩湘氏撰

方技

出蛇走獺之奇舞蝶點蠅之巧古今傳爲美談蓋
一長一技苟造其極則必有一段不可磨滅之精
神使人摩挲想像不忍去况技也而進乎道形生
形下本一理之流通與

李鳳翔不知何時人舊志載其精脈理用藥輒神
效所活數萬人人咸以爲和緩復生云

羅理 工畫每寫動物儼有生氣魏國公嘗見所
畫正武神像願以百金購之其見賞於人如此

正寧縣志卷之十一

獻徵志

陽曲折遇蘭佩湘氏撰

流寓

維桑與梓必恭敬止古人重去其鄉步月看雲不
勝故國河山之感顧昔人又曰異鄉重到即為家
蓋士君子落拓不羈遨遊一世往往訪巫峽之猿
聲弔白門之柳色飛鴻踏雪固不屑斤斤為株守
計也且時勢所值原難自主豈必生於斯而長於
斯哉

董默 本天水人唐高宗時為泉毅都尉陞遊擊將軍有勇謀多樹奇功過正寧因家焉今墓址石碣猶存

江本 本江西吉水人宣德間由舉人任本縣知縣有惠政民不忍其去本亦樂其土厚風淳因家焉至今子孫書香不絕

馬履端 本山西汾州人雍正間任本縣知縣解任後囊囊蕭然清風兩袖不得已而家焉今年逾七十衣食無所出甚矣其憊也

正寧縣志卷之十一

獻徵志

陽曲折遇蘭佩湘氏撰

仙釋

雞園鷲嶺之元紫館金臺之勝雖智者亦墮其術申語以布帛菽粟之理未有不倦且厭者人情好怪大抵如是耶昔昌黎諫迎佛骨漢武帝曰天下豈有神仙此理明白昭著而二氏之說蔓延滋甚豈天終不欲絕其類不然何撲之而愈熾也姑錄之以存其名

張果老 明皇雜錄云果乘白驢日行數萬里夜即
 疊之置於箱篋中乃紙也乘則以水啜之復成驢
 初隱於中條山世傳數百歲其貌如五六十者元
 宗遣徐嶠以璽書邀之肩輿入宮詔以玉正公主
 降先生果笑不奉詔還山擢銀青光祿大夫號通
 元先生未幾卒帝為立栖霞觀有果老五星命理
 傳於世列仙傳曰張果反復人世數代矣

彭祖 名鏗帝顓頊元孫至殷末年已七百餘歲
 而不衰少好恬靜惟以養神治生為業王國之以
 為大夫表下與政專善補道之術時歷三代表四
 十九妻失五十四子

皇甫正人 府志曰列仙傳載之未詳今縣東六十
 里有洞

目連和尚 舊志曰縣東有救母度母遺跡

桃花女 縣東六十里香廟原溝內有桃花女洞

牛半仙 相傳明末時採薪於琴山至一洞口任步
 入約行數百步俟爾開朗見二老人奕立顧久之
 竟忘其非常人也俄奕畢二老顧謂曰女胡至此

正寧縣志卷之十一終
可急去比出抵家已踰三週矣里中因號曰半仙

正寧縣志卷之十二

獻徵志

陽曲折遇蘭佩湘氏撰

選舉科甲貢封廕椽同載

國家設科取士舉海內懷瑾握瑜之士羅而致之以
備股肱耳目之選又復多方選擇不拘一格此誠
多士鼓舞奮興之日也羅川爲北地人文之最掄
元奪魁者後先相望而經明行修之選又濟濟有
人他日獻之

朝廷鹽梅舟楫吾知其必有合矣夫善人可寶敢不敬

而書之

進士

明

景清 洪武甲戌科榜眼及第仕至左都御史

党理 洪武丁丑科仕至太僕寺少卿

袁錠 永樂辛丑科仕至知府

趙邦清 萬歷壬辰科仕至監軍叅議

羣焞 崇正辛未科任河南林縣知縣調安陽縣

累官至河南省學兼右叅政脩縣志其他事蹟載

在明史

國朝

彭嗣 順治壬辰科仕至推官

石攻玉 乾隆己未科任教授

舉人

李春 洪武 科

景清 洪武 科

党理 洪武丙子科

袁錠 洪武 科

柳清 洪武 科

李靜 洪武 科

柳景春 永樂 科

姚銘 宣德 科

史智 宣德 科

袁昇 景泰庚午科任通判

高嵩 景泰庚午科任知縣

王爵 景泰癸酉科任教授

楊士魁 隆慶丁卯科任通判

趙邦清 萬曆辛卯科

鞏煊 天啓丁卯科

仇傳香 崇正庚午科

王暉如 崇正癸酉科

國朝

彭嗣 順治戊子科

鞏我聞 順治辛卯科

范韓儕 順治甲午科

彭若愚 順治甲午科

鞏我造 康熙丙午科

王 坊 康熙癸酉科

李 如 芸 康熙乙卯科

范 詣 暉 康熙癸巳科

仇 任 康熙庚子科

范 錫 篆 雍正甲辰科國子監助教

石 攻 玉 雍正丙午科

張 顯 名 雍正壬子科現任直隸平山縣知縣

楊 登 乾隆下卯科

趙 文 重 乾隆丙午科解元

李 楚 乾隆癸酉科

武 舉

明

何 天 祿 萬歷壬子科

高 鳳 鳴 萬歷乙卯科

雷 有 聲 天啓甲子科

雷 起 元 天啓甲子科

國朝

正室系

天啓

選舉

彭希聖 順治庚子科

貢生

明

穆淵 任大同衛經歷受勅

任麒 任四川梓潼縣丞簿

劉樸 未仕

焦本宏 任四川成都縣丞簿

劉讓 任河南睢城縣縣丞陞山西晉府典寶

彭敏 任山西壺關縣縣丞

下愷 任山西垣曲縣丞簿

袁經 任山西陵川縣丞簿

下仲仁 任北直永平府推官

楊逢時 未仕

房廷臣 任北直丹陽縣縣丞

高經 未仕

江朝宗 任河南汝寧府經歷

袁一成 任河南蘭陽縣縣丞陞山西萬泉縣知縣

路定之 未仕

李時榮 任直隸行唐縣縣丞

楊載寧 未仕文學兼優名重三秦

趙天爵 未仕

何天性 任四川南溪縣教諭

張希孟 任西安府訓導陜延安府洛川縣教諭

趙賓賢 任州判

何天民 任山東兗州府訓導

劉敬 任光祿寺署丞

李信 任湖廣鄖縣知縣

魏維賢 任湖廣鄖縣知縣

王恕 任山東兗州府知府

郭通 任縣丞

李銘 任知縣

李福 任山西大同府同知陞本府知府進叅政

焦玘 任湖廣崇陽縣知縣陞北直兵馬司指揮

使受勅命二道

李文秀 任江西贛州府推官以功受勅一道

曹英 任北直宛平縣縣丞

王道 任南京清江口提舉陞山西霍州州判

勅一道

高志 任山西石州同知才能所無影事受勅一

道

張佑 任鴻臚寺鳴贊

魏克誠 未仕 李瑞 未仕

趙壁 任山西按察司照磨

焦聰 任山西都司知事陞蒲州州判

姬紳 任四川南克知縣

高銘 未仕 孟 未仕

岳興 任經歷

路通 未仕 張庭諫 未仕

李時 任北直靈縣縣丞

武經 任清州衛知事

袁凱 任四川夔州府經歷

侯爵 任河南懷慶府知事

趙神 任北直涿州府知事

孟鐸 任四川內縣知事

田壽 任四川彭山縣主簿

王璠 任鴻臚寺序班陞陞北直昇平縣知縣

袁三葵 任四川南溪縣主簿

劉聰 未仕 劉庭佐 未仕

作倫 未仕 踏安之 未仕

李鼎 任湖廣衡州府府屬磨

宋奎 任直隸松江府檢校 監生

王世用 任浙江衢州府檢校

楊祿 任山東青州府臨淄縣丞

鞏祚 任北直邢臺縣主簿緝盜安民有去思碑

楊和 任山西遼州同知

楊載耕 任河南懷慶府經歷

楊載容 未仕 趙天爵 未仕

楊載耕 任四川宏雅縣主簿

江舟 任廣西都康州吏目

張來鳳 任直隸江都縣縣丞

侯朝玉 任山西榆次縣縣丞

姬永齡 任浙江湖州府照磨

陳嘉言

任南直盧江縣訓導陞四川宣慰司教授

江楫

任北直曲周縣主簿

趙俊

任山東東平州訓導

趙憲

任山東東昌府照磨

龐仁

任四川蒼溪縣訓導

李顯名

任四川朔州訓導

彭述忠

任山西解州訓導

師養冲

任州判

鞏洋

考選知縣未仕鄉賢國校國柱其子

楊荔

任直隸無為州判

張麟

任直隸清海縣訓導

周鳳儀

嘉靖四十三年貢任河南永城縣訓導陞

韓府教授

周鳳翼

任無考

李海 未仕

彭友

任山西平陸主簿攝邑篆大著循聲陸人

德之立去思碑呈請從祀名宦推官副其孫也

魏皜

任四川內江主簿

姚邦建

任山西翼城縣丞舊志云佐政廉敏

馬應漢 任西安渭南縣訓導

郭九韶 任延安清澗縣訓導

王齊賢 任西安韓城縣訓導 著志云德望學人

李 支 任西安郃陽縣訓導

卞成儒 任山東潮城縣主簿

徐登雲 任四川安岳縣主簿

路自履 任延安清澗縣教諭 學足文優

王 汲 任山西靈丘知縣 清以持已慈以惠民

王三 任

王三聘 任固原訓導

鞏如山 任山東臨青州判

王三接 未仕

鞏國柱 任鳳翔訓導 改漢中學 陞葭州學正 從祀

鄉賢

彭學書 任山東臨淄縣縣丞

路 熊 任漢中府教授

郭維藩 任西安咸陽縣訓導

陳東泗 任湖廣新安縣訓導 陞山衛教授

選舉

郭育民 任寧遠縣教諭

趙立賢 任浙江永康知縣調慶雲尋調武強

江文秀 任貴州施秉知縣陞廣西象州知州

雷靈雨 任四川射洪知縣後補雲南亦佐縣司牧

兩地歷有政聲陞授山西絳州知州尋轉秦府審
理

王 澐 任北直肅寧教諭

鞏國華 任湖廣桂陽知縣

李 冲 未仕 馮嘉瑞 未仕

范時茂 任南直潛山縣主簿

江流芳 未仕 李連美 未仕

鞏國家 中副榜四次未仕

范其準 未仕 鞏 焯 未仕

鞏 焯 天啟元年貢

江海宴 任河南桐柏知縣清廉慈惠有才望臨谷

行取

姚儲秀 任北直清苑縣縣丞陞鳳陽府經歷

梁國翰 任寧羌州訓導

選舉

李曰白 任延安教諭

鞏輝 未仕 李自芳 未仕

趙銘 由恩拔中副貢任山西陽曲縣縣丞陞嵐

縣尹尋轉潞安府長治縣知縣

張從吉 任邵陽縣訓導

袁杰 任臨洮府訓導

王愈奇 任禮縣訓導

姚俊秀 任鴻臚寺序班

趙鉉 任山東萊州府經歷

李焯 任北直長蘆鹽運司經歷

趙養賢 楊熙 趙淑賢 俱入監未仕

國朝

路宗聖 順治乙酉恩拔考選判未仕

王軾 順治二年恩貢

范國度 順治二年歲貢

于景寧 順治四年貢任沂陽訓導陞華陰論鎮藩衛

授尋改醴州判

鞏耀 順治戊子拔貢任山東德州判

何天機 順治六年貢

魏崇古 順治八年貢

鞏明鼎 順治八年貢任浙江龍游縣丞

王訪奇 順治十年貢任湖廣黃陂縣丞

王綬 順治十二年貢任寶雞縣訓導

王翰如 順治甲午恩拔

范其繩 順治十四年貢

雷鴻儒 順治年貢 未詳某年

鞏爾星 順治十六年貢

鞏端 順治十八年貢

王愈奇 康熙三年貢任西和縣教諭

鞏爾礎 康熙四年貢

于貞吉 康熙十一年拔貢 任武功縣教諭 陞西寧府教授

雷和 康熙十一年拔貢 銓麟遊縣教諭

仇鼎重 康熙十二年貢

趙必顯 康熙壬子拔貢未任

鞏爾礪 康熙十三年貢任漢中府訓工詩

于謙吉 康熙二十五年拔貢銓興平縣教諭未任

鞏我燕 康熙三十年拔貢有文名

王祚永 康熙三十三年歲貢任文縣訓導

何萬戶 康熙三十六年貢

鞏我巖 康熙三十四年拔貢

路雲翺 康熙三十五年歲貢

于亨吉 康熙三十九年歲貢任延安府訓導

徐溶 康熙四十一年歲貢未任

王祚新 康熙四十二年歲貢銓延安府訓導未任

王運熙 康熙四十五年歲貢未任

范慶滋 康熙四十五年歲貢有文名任甘泉縣

鞏助 康熙四十七年貢

范維連 康熙五十年歲貢未任

梁輔朝 康熙癸酉年副貢

徐濟 康熙五十一年歲貢任伏羌縣訓導

鞏三哲 康熙五十三年貢

范象洪 康熙五十四年歲貢未任

宋命新 康熙五十五年貢

范安世 康熙五十六年歲貢未任

上等縣志
梁輔泰 康熙甲戌年貢

馮錫祉 康熙五十八年歲貢未任

王 喚 康熙五十九年歲貢府谷縣訓導

范宗文 康熙六十年歲貢未任

梁圖麟 康熙辛巳年貢

王運肇 雍正元年恩貢

秦良棟 雍正二年歲貢

徐大元 雍正元年拔貢任寧朔縣訓導

楊丕承 雍正三年歲貢

于 芬 雍正五年歲貢任文縣訓導

趙 澎 雍正六年歲貢任伏羌縣教諭

鞏 侃 雍正十年歲貢

趙益童 雍正十二年拔貢

王 甸 乾隆元年恩貢

于 苞 乾隆元年歲貢任秦州訓導

郭萬壽 乾隆三年歲貢

郭萬籍 乾隆五年歲貢

馮其原 乾隆五年拔貢

郭萬選 乾隆九年歲貢選授西鄉縣訓導

袁斌 乾隆九年歲貢

姬翰墨 乾隆十一年歲貢選授藍田縣訓導

江雯 乾隆十三年歲貢

來光先 乾隆十五年歲貢

于冕 乾隆十五年恩貢

鞏帝疆 乾隆十五年拔貢

王運啓 乾隆十七年恩貢

鞏儉 乾隆十七年歲貢

聶中選 乾隆八年歲貢任漳縣訓導

趙士雋 乾隆十九年歲貢

楊理 乾隆二十一年歲貢

范鍾靈 乾隆二十二年歲貢

張文彥 乾隆二十四年歲貢

姚乃慰 乾隆二十五年歲貢

路文煥 乾隆二十六年恩貢

梁登科 乾隆二十七年歲貢

張中矩 乾隆二十七年歲貢

范 軾 乾隆二十九年歲貢

封

焦 榮北城兵馬司給糧焦玘之父以子封兵馬指
揮玘母巨氏封孀人妻賀氏封孀人

趙應魁四川道參議邦清之父以子累贈吏部稽勳
司郎中清母劉氏高氏贈封太宜人妻高氏贈宜
人繼妻張氏封宜人

姚邦建鴻臚寺序班俊秀之父以子封鴻臚寺序班
鞏國禎河南督學道泰政煇之父以子累贈禮部
祭司主事煇母彭氏褚氏贈封太宜人妻魏氏封

安人

陰

趙崇賢字映乾四川道參議之子因父捐軀殉國廕國子生授河南彰德府通判

椽

郭 熹 乾隆三年考授未入流

安 鼎 乾隆十八年考授未入流

按選舉之法自漢以後制雖不一大都試之以文章因有揣摩剽竊以倖售者而論者遂謂人才壞

於科舉則大不然朱子曰非科舉累人人累科舉耳士苟抱負非常則立言立德立功相爲表裏而德與功託言以傳故立法未爲不善若夫兼收並蓄雖身非科目未嘗不駿監蜚聲多士將何如振拔以免處士虛聲之誚哉

正寧縣志卷之十二終

獻徵總論

羅川本一隅湫隘而漢唐以來或以事功顯或以節義傳昭垂史乘者班班可考至於矢志栢舟以巾幗而知大義尤爲指不勝屈豈非山川靈秀蜿蜒磅礴以致此耶顧人材盛衰雖由於地氣而長養培植則不能不資於教化官斯土者誠以齊魯之人待吾士民如文翁之教蜀而吾士民亦以齊魯之人自待如蜀士大夫將見賢豪輩出必較勝於前出則爲名宦處則爲名儒入篤孝友之誼出

敦嫻睦之義將使後之秉筆者大書特書以爲人
材之藪禮教之區是則余今日所深望也

耳覽錄卷之十三

祥膏志

陽山折遇龍佩湘氏撰

天地之大怪怪奇奇無所不有而考其所發類多
由於人事故天地順成萬物暢遂是謂之祥祥則
有芝草麒麟之瑞三光錯行寒暑失節是謂之膏
膏則有螟蝗水旱之徵昔歐陽子序五行志曰君
子見物有反常而爲變者則思其有以致而爲之
戒懼然則爲民上者奈何樂言瑞而不樂言災耶

周

幽王二年西周山川皆震

漢

成帝綏和二年地震自京師至北陸皆震壞城郭歷傷甚衆

新莽始國五年大饑人相食

隋

文帝開皇二十年地震

唐

武德三年自四月至八月不雨

六年秋淋雨害禾稼

元和六年大稔

七年大水漂没人畜

宋

太平興國五年大水

景德二年夏六月大水壞民舍人多溺死

慶歷三年大水溺死甚衆

明

正統二年自夏至秋大雨雹

天順八年秋霖雨饑斗米銀三錢

成化七年長城狼出列如行伍占曰羣賊入寇

十九年旱明年大饑斗米銀五錢

十四年正月朔地震

嘉靖十年旱大饑斗米銀三錢

十一年蝗

十三年五月水民舍漂沒殆盡

三十四年冬十二月地大震有聲自西北徂東南

搖動著泥浮城

三十五年黑膏見自山西漸至北地捕人旬餘乃

息

萬曆十年旱大饑人相食

十四年大旱

十五年旱饑

十九年大饑人相食

二十七年七月霜

崇正二年地震

七年大饑斗米銀四錢

十二年至十四年飛蝗蔽天落地如崗阜斗米銀
三兩

國朝

順治三年蝗

十一年地震四十餘日乃止

十二年四月雪盈尺三十四年旱饑

十五年稔

十六年大稔

康熙二十二年旱饑

三十一年二年饑民就食郡城

三十四年至三十七年連稔斗米銀三四分

四十三年三月黃沙蔽空自辰至晚息

四十八年九月地震至明年正月乃息

五十三年大饑

六十年秋大稔糜雙粒

雍正五年旱斗米銀叁錢

八年地震

十三年夏積雨四十日

乾隆三年冬地震

五年秋禾未登大風摧隕遍野

六年冬十月地震

十五年秋七月秦家店旅舍有龍破屋而升俄大

雷雨

二十年夏無麥六月雹秋大水

二十三年秋霪雨次年夏旱秋大稔

二十七年八月霜歉

二十八九年俱大稔

按孔子於春秋記災異而不著其事應歐公五行

志言災異而不言祥瑞蓋天道遠於人事君子見

其變則恐懼修省所以畏天而動民若必著其事

應則旁引曲取如漢書劉向與其子歆之徒以為

洪範八事皆屬於五行至於難通則自相戈矛甚

矣其誣也至於合璧聯珠競誇瑞兆適足以怠君

子敬畏之心故歐史削之又曰災者被於物而可

知者也異者不可知其所以然者也為民上者誠

因事脩省又何必鯁鯁然滌祥膏禍痾之說而強

以求合哉

正寧縣志卷之十三

執事志

陽曲折遇蘭佩湘氏撰

歷代典故雜見於羣書者類多傳聞異辭以傳信
 傳疑均資考核玉札丹砂赤箭青芝牛溲馬勃敗
 鼓之皮兼收并蓄皆所以待用也羅川為漢唐畿
 輔近地舉凡遺事闕文前言往行雖全消石泐尚
 堪掇拾補綴以備一邑掌故豈得委曰文獻無徵
 秦始皇崩趙高李斯矯詔立胡亥為太子偽書賜扶蘇
 數以不能立功數上書誹謗怨望而蒙恬不矯正皆賜

死扶蘇發書泣欲自殺恬曰陛下使臣將三十萬衆守邊公子爲監此天下重任也今一使者來安知非詐復請而死未暮也扶蘇曰父賜子死尚安復請卽自殺恬不肯死繫諸陽周後二世卽位欲殺恬恬曰吾積功信於秦三世矣今將兵三十餘萬勢足恃畔然自知必死而守義者不敢辱先人之教以不忘先帝也乃吞藥自殺

通鑑

明皇獲二十七仙像於寧州羅川縣金華洞奇偉異狀各各不同內有心星一座甚美後置正寧觀改羅川爲

正寧縣有玉像傳於世 晉李石續博物志

沮水自坊州昇平縣北子午嶺出俗號子午水合榆谷

慈馬等川遂爲沮水 寰宇記

秦所築長城土色皆紫漠塞亦然故稱紫塞 崔豹古今

要册湫在湫頭鎮宋太宗卽位使臣有過此者夢神告

曰晉王卽帝位矣至京兆果得卽位詔入汴京奏之勅

立玉碑其黑如漆其光如鏡至正元年指揮曹倫上酒

一瓶銀牌一面至天順六年通判陳英禱雨謁湫湖出

酒牌上鐫字賜與通判陳英其至正元年號曹倫姓氏

如新鑄焉教諭王正

補遺記

景忠烈赴舉時宿淳化王家其家之女久為妖所憑百計遣之不去公至之夜其妖屏跡公去妖復來女詰之妖云昨夜避文曲星景秀才耳次日女聞之父其父追及公扣馬邀回且述之以告公以試期迫書景清在此四字令帖其戶而妖果絕舊志

趙乾所自言吏部時秋病甚神氣委頓殆絕自念平日授中黃術壅目臍輪握固緊齒提攝幽戶踰時稍定白湯一杯引氣自温中夜粥一盂活矣過二日夢於故鄉

書處何仙姑授藥一片顛桂皮其大若掌食之奇微

五內旦起覺精色迥暢欣然有所得者湯顯祖詩

流賊最畏總兵曹文詔其兄子標將曹變蛟更饒勇特為之誦曰軍中有一曹流賊聞之心膽摧文詔自隸馬

世龍麾下為軍鋒入秦四年春擊賊栗園大勝又克河

曲斬賊一千五百餘六月斬王嘉之七年冬殲賊趙子

五年春擊殺司天飛郝臨菴殺行總人月又敗賊甘泉

六年春斬代賊千五百級又敗賊榆社又斬陽城賊千

餘級乃因小故階以他事落職二年復予故官賊鋒益

鏡雖屢立功八年五月卒戰死於正寧賊遂益無所憚
勞文耀陣歿忻州變較亦善戰多功後松山不食死
秋集

正寧縣志卷之二十三終

